

**Kalaallit Nunatsinni aalisakkat qaleruallillu tunisassiassatut qaqqinneqartartut
ingitaqarani tamakkiisumik tunisassiarineqartarnissaat anguniarlugu Naalakkersuisut
UPA2017-imi nassuiaammik saqqummiusseqqullugit peqquneqarnissaannik
Inatsisartut aalajangiiffigisassaatur siunnersuut
(Inatsisartunut ilaasortaq Jess Svane, Siumut)**

pillugu

Inuussutissarsiornermut Ataatsimiititaliap

siunnersuutip aappassaaneerpeqarneranut

ISUMALIUTISSIISUTAA

Inuussutissarsiornermut Ataatsimiititaliap suliarinninnermini ilaasortarai:

Inatsisartunut ilaasortaq Siverth K Heilmann, Atassut, siulittaasoq
Inatsisartunut ilaasortaq Aqqaluaq B Egede, Inuit Ataqtigiit, siulittaasup tullia
Inatsisartunut ilaasortaq Justus Hansen, Demokraatit
Inatsisartunut ilaasortaq Suka K Frederiksen, Siumut
Inatsisartunut ilaasortaq Iddimangiiu Bianco, Inuit Ataqtigiit

Ulloq 9. maj 2016-imi siullermeerinninnerup kingorna ataatsimiititaliap siunnersuut misissorpaa.

Siunnersuutip imarisaa siunertaalu

Kalaallit Nunatsinni aalisakkat qaleruallillu tunisassiassatut qaqqinneqartartut igitaqarani tamakkiisumik tunisassiarineqartarnissaat anguniarlugu Naalakkersuisut nassuiaammik saqqummiussinissamik peqquneqarnissaat siunnersuutip nassatarissavaa. Nassuiaat UPA2017-imi agguanneqassaaq.

Siunnersuutip Inatsisartunit siullermeerpeqarnera

Naaja H. Nathanielsenip (attaviitsup) Naalakkersuisut saniatigut siunnersuut akuerineqassasoq amerlanerussuteqartut Siumup, Inuit Ataqtigiit Atassutillu inassutigaa. Demokraatit aammalu Partii Naleqqap siunnersuut itigartippaat.

Ataatsimiititaliap siunnersuummik sularinninnera

Naalakkersuisut saniatigut siunnersuut amerlanerussuteqarluartunit akuerineqartussatut inassutigineqartoq ataatsimiititaliamit maluginiarneqarpoq.

Aammattaaq UPA2014-imi suliffissaaleqineq akiorniarlugu aalajangiiffigisassatut siunnersuutitut 20 aamma 21-mut malitseqartitsissutitut aalisarnermik inuussutissarsiuteqartunit peqataaffigineqartumik suleqatigiissitamik aalisarnerup suliffissaqartitsinera qanoq annertusarneqarsinnaanersoq pillugu ilaatigut siunnersuuteqartussamik pilersitsisoqarsimasoq ataatsimiititaliamit paasineqarpoq¹. Tassunga atatillugu suliareqqiineq pillugu apeqqut aalisakkanillu tunineqartunik atorluaanerunissaq aamma oqaluuserineqassapput².

Tamanna tunngavigalugu annertunerusumik oqaaseqarnissaminut ataatsimiititaliaq tunngavissaqarsorinngilaq, taamaattorli ataatsimiititaliamit makku ilanngullugit oqaatigineqassapput:

- Aalisakkanik pisuussutunik atorluaanerunissamik apeqqut tunisassiornermi atortutigit unammilligassatut taamaallaat isigineqarsinnaagunangitsoq aammali aningaasaqarneq pillugu isumaliutunik imaqartariaqartoq. Taamaalillunilu tunisassiornikkut ingerlanneqarsinnaasut imaangillat aningaasaqarnikkut isumatusaarnerusut. Tassunga atatillugu suliareqqiineq aningaasaqarnikkut annertuumik iluanaaruteqarnermik kinguneqarsinnaappat inuussutissarsiummik ingerlataqartut suliareqqiinissamik annertunerusumik aallartitsisimanissaat ilimagineqarsinnaavoq.
- Aalisarnermik inuussutissarsiutip suliffissaqartitsisinnaaneranik apeqqummi suliffissanik amigaateqarneq kisimi pineqanngitsoq, aammali sulisussanik sulisunillu aalajaatsunik amigaateqarneq aamma pineqarluni, taamaattumillu piginnaaneqarluartunik sulisussarsiornermi taakkuninngalu attassiinnarnissami unammilligassat suleqatigiissitaliamit siuliani taaneqartumit aamma isummerfigisariaqarlutik.

Siunnersuutip aningaasaqarnikkut kingunerisassai

Nassuiaat siunnersuummi taaneqartoq suleqatigiissitaliap suliassanut ilaareersoq Naalakkersuisut oqaatigaat, taamaattumillu siunnersuut pisortat annertunerusumik aningaasartuuteqarnerannik nassataqassanngitsoq ataatsimiititaliamit ilimagineqartariaqarluni, tassa sinaakkutissatut missingersuutitut suleqatigiissitaliamut taaneqartumut atugassaritineqartussatut naatsorsuutigineqartariaqartunut siunnersuut ilaassammat.

¹ Forslag til Finanslov for 2015 (s. 93).

² Svarenotat til førstebehandling af FM2016/34.

Ataatsimiititaliap inassuteqaatai

Siunnersuut akuerineqassasoq ataatsimiititaliamit isumaqatigiittumit inassutigineqarpoq.

Taama oqaaseqarluni isumaliutissiissumilu allaasimasutut paasinnilluni ataatsimiititaliap siunnersuut aappassaaniigassanngortippaa.

Siverth K Heilmann
Siulittaasoq
sinnerlugu

Aqqaluaq B Egede

Justus Hansen

Suka K Frederiksen

Iddimangiiu Bianco